

Visoki predstavnik/specijalni predstavnik EU Inzko se susreo sa ministrom vanjskih poslova Švedske Carlom Bildtom



Visoki predstavnik i specijalni predstavnik EU za Bosnu i Hercegovinu Valentin Inzko susreo se danas u Sarajevu sa švedskim ministrom vanjskih poslova Carlom Bildtom kako bi razgovarali o trenutnoj političkoj situaciji u BiH.

Visoki predstavnik/specijalni predstavnik EU Inzko obavijestio je ministra vanjskih poslova Bildta o blokadi u formiranju vlasti na državnom nivou i nivou Federacije BiH. „Prošla su gotovo četiri mjeseca od oktobarskih izbora a ono što birači dobijaju je zastoj za svaku osudu, neodgovorna politika, i kao što se to suviše često događa, cijenu plaćaju najugroženije kategorije građana u BiH“, izjavio je visoki predstavnik/specijalni predstavnik EU Inzko. „Pitanja od odlučujućeg značaja čekaju na rješavanje zbog nepopustljivosti i ličnih interesa. Ovo se odnosi na konkretna, urgentna pitanja kao što je budžet Federacije, kao i na širi program koji je potreban za integraciju u EU i NATO. Bh. političari se moraju usredotočiti na formiranje vlasti kako bi ova pitanja riješili bez daljnjeg odlaganja.“

Visoki predstavnik/specijalni predstavnik EU Inzko pohvalio je

ogromno iskustvo ministra Bildta u vanjskopolitičkim i sigurnosnim poslovima te njegov dug i pozitivan angažman na pitanjima Balkana.